

Cofnodion Cyfarfod Cyngor Cymuned Llanddeiniolen 4ydd Mehefin 2024

Croeso a Gweddi

Rhoddwyd gair o groeso a gweddi gan y Cadeirydd a chroeso arbennig I Andrew Timmons o Lightsource Energy

Presennol

Cadeirydd Jane Pierce a'r Cynghorwyr Elwyn Jones, Gareth Griffiths, Sasha Williams, Gareth Hughes, Emma Chappell, Ynyr Parri, Ellen George a Berwyn Parry Jones.

Ymddiheuriadau

Y Cynghorwyr Phyllis Ellis, Rhian Evans-Hill, Lowri Ann James, Idris Thomas, Elfed Wyn Williams a Dawn Parry

Datgan Buddiant

Dim

Cynllun Storio Ynni Pentir

Diolch I Andrew Timmons am ei bresenoldeb i roi braslun o gynlluniau'r cwmni Lightsource Energy I ddatblygu Storfa batri i ynni. Y safle sydd dan sylw ydi'r cae sydd union ddrws nesaf i stesion Ynni Pentir. Mae'r cwmni eisoes wedi bod mewn trafodaethau gyda Chyngor Gwynedd ac wedi ymweld â Chyngor Cymuned Pantir, gan fod y safle yn ffinio rhwng y ddau Gyngor Cymuned. Mae'r cwmni yn datblygu sawl math o ffyrdd o gynhyrchu ynni glan. Serch hynny, ond 1 arall tebyg i hwn maent wedi datblygu hyd yn hyn, er bod sawl un ar y gweill yn ystod y blynyddoedd nesaf. Mae'n debyg fod y system yma yn mynd i fod yn effeithiol a rhedeg am 40 mlynedd, unwaith bydd wedi ei adeiladu. Ni fydd angen gweithwyr ar y safle, unwaith bydd wedi ei gwblhau, a bydd posib ei gynnal o bell. Er bydd yno gamerâu a diogelwch i'r safle. Wrth gwrs, bydd rhaid cael cais cynllunio i safle o'r fath, ond fel bron bob datblygiad gan gwmnïau'r dyddiau yma, bydd y ddau gyngor cymuned yn derbyn swm o arian ar gyfer rhannu o fewn y gymuned pe byddai'r cynllun yn cael ei ddatblygu. Y gobaith yw y bydd wedi ei gwblhau erbyn 2027, pe bai'r cynllun yn cael ei ganiatáu. Ar ddiwedd y sesiwn gwybodaeth, cafwyd cyfle gan y cynghorwyr i ofyn cwestiynau, a chafwyd ymateb da. Bydd y cwmni yn rhannu lluniau o'r cynllun gyda ni yn fuan.

Cofnodion Cyfarfod 7fed o Fai 2024

Ar wahân i gywiro Cysgodfa Dinorwig dim Brynrefail, Cafwyd y Cofnodion yn gywir.

Materion o'r cofnodion

Eisteddfod Yr Urdd - Llongyfarchiadau I bawb o'r ardal ar eu llwyddiant yn yr Eisteddfod Genedlaethol ym Meifod. Mae'n braf gweld cymaint o dalent yn lleol nid yn unig ar lwyfan, ond ar waith celf a chrefft ac ysgrifenedig.

Ffordd O Fethel I Gelli gyffwrdd. - Mae arolygwr ffyrdd o Gyngor Gwynedd yn mynd i archwilio'r lleoliad a chodi archeb ar gyfer gwneud y Gwaith I geisio atal y llifogydd a welwyd yno yn ddiweddar.

Gohebiaeth a Materion Eraill

Hysbysiad Archwilio - Rhannwyd yr hysbysiad archwilio er mwyn ei roi i fyny ar hysbysfyrdau'r Cyngor yn y pentrefi, fel bod y cyhoedd yn ymwybodol o ymchwiliad am y flwyddyn a ddaeth i ben ar Fawrth 31 2024, a bod ganddynt gyfle i weld y cyfrifon.

Cynllunio

Derbyniwyd y ceisiadau canlynol:

C24/0405/18/DT - Gorffwysfa, Brynrefail, Caernarfon. Gwynedd LL55 3NR

Dymchwel estyniad to fflat presennol a chodi estyniad cefn deulawr, ynghyd a Gwaith tirlunio yn y cefn a chodi wal.

C24/0385/18/AC - Rhes Fictoria, Stryd Fawr, Deiniolen

Diwygio amod 2 o ganiatâd cynllunio presennol a chaniatáu tair blynedd ar gyfer cymeradwyo materion a godwyd yn A1

Teimlwyd fod angen ymateb, gan fod y cais gwreiddiol amlinelliad wedi ei gytuno ers 2009, ac mae hwn y trydydd cais am estyniad. Mae yna alw am dai yn yr ardal, ac eto, mae sawl cynllun ar dro i adeiladu tai, ond dim datblygiad. Ydi polisi cynllunio wedi newid ers y cais gwreiddiol?

Llwybrau

Llwybr Troed Rhos Uchaf at Lon Capel Rhiwlas - Derbyniwyd ymateb gan Gyngor Gwynedd yn datgan eu bod wedi cytuno i lenwi'r twll mawr gyda tharmac. Ond mae Cyngor Gwynedd yn gofyn a yw'r Cyngor Cymuned yn fodlon ariannu'r Gwaith ar y llwybr yma ac yna byddai Cyngor

Gwynedd yn ei fabwysiadu. Wel nid yw'r Cyngor Cymuned yn fodlon ariannu hyn o gwbl, gan nad ydym yn sicr pwy sydd yn berchen y llwybr neu ddarn o dir.

Llwybr Rhif 22 Giât Drydan - Derbyniwyd cwyn eto gan y cyhoedd ynglŷn â'r giât drydan sydd ar y llwybr yma. Y newyddion diwethaf a dderbyniwyd oedd bod trafodaethau yn gorfod cael eu gohirio am y tro, a hynny yn ôl yn fis Ionawr eleni. Bydd y clerch yn cysylltu gyda'r swyddog sydd wedi delio gyda'r mater yn y gorffennol i weld beth ydi'r diweddaraf.

O Gwmpas y Bwrdd

Deiseb rhag newid enwau Cymreig - Gyda'r sylw o gymaint o enwau hanesyddol ar lefydd Cymreig wedi eu newid wedi dod i'r wyneb yn ddiweddar, mae deiseb yn ardal Deiniolen wedi ei sefydlu i gael cefnogaeth i atal hyn ddiwydd yn y dyfodol. Mae'r deiseb i'w gael yn y siop leol, ac erfynnir ar bawb i geisio ei arwyddo a chefnogi'r ymgais yma i sicrhau dyfodol o enwau cywir Cymreig i hanes yr ardal.

Cadarnhau Taliadau

Rhannwyd y ffurflen o daliadau ar gyfer y mis a Thrafodwyd y taliadau. Yn dilyn y drafodaeth, cadarnhawyd ac arwyddwyd y ffurflen.

Gareth Griffiths (1)

Jane Pierce (2)